

69515

140.171

42

3/1-4

續脩平原縣志


縣長韓銳

署簽

壹



曹 夢 九



韓 銳



周 季 俊



李 滋 甫



王 海 岵



張 幼 平

續修平原縣志序

邑之有志所以紀一邑方域之書也自郡縣設治以來畫疆分井其間疆域之沿革山川之險阻政治之所設施民情之所苦樂典禮之所在文獻之所關以及風俗之隆替物產之豐裔忠孝節義之行奇材異能之類洪纖鉅細一披籍無不燦然畢具以故過都越國者必先求其邑志書一觀夢九於壬申十月承乏斯邑下車伊始索舊志讀之其書成於清乾隆十三年爲邑侯黃公所手著距今幾二百年矣年湮代遠事多無徵縣志例數十年而一修邑多文學士即官斯土者亦不乏大雅宏達之倫何以中間隔絕如是之久推求其故蓋以邑中賢雋皆自奮於功名之路宦游四方

平原縣志序

一

平原大同印刷局印

故鄉文物未之遐稽此項紀載甚疎而官斯土者更以簿書鞅掌無暇躬理丹鉛加以有清中葉以還國家多故官與民察創瞻傷之不遑文字細事更視爲緩圖歲月侵尋倏至於今邑之二三耆舊懼遺文之將墜歎故事之無徵屢以續修縣志爲言爰於癸酉秋邀集本地士紳設局籌備適奉省令通飭各縣續修縣志衆情益奮先從事於採訪採訪所不及者復參考諸縣卷自甲戌六月開始編纂閱七月而稿粗就計取之採訪者十之四五取諸縣卷者十之三四得諸故老之傳述者亦十之一二焉網羅散失抱遺訂墜雖復遺佚仍多約可得十之八九以邑人積年之所屬望一旦得觀厥成其爲欣愉可知夢九從政之暇得與此邦人士徵文

考獻尤爲厚幸顧余竊有感焉前事者後事之師平原於古爲名郡文章政事代不乏人近百數十年來疆域不改戶口日增而民生凋敝大利未興又值改革之後政教與昔日固殊莅斯土者撫繹幕之舊壤顧予遺之黎民斟酌於古今之間何者宜因何者宜革順其勢而利導之期於民殷國富康濟時艱以共遊於大同之世此則區區所願與邑人共勉者爾

中華民國二十四年歲在乙亥元月署理平原縣長津門曹夢九敬序

平原縣志序

二

平原大同印刷局印

續修縣志姓氏

平原縣續修縣志委員會

委員長

署理平原縣縣長

天津曹夢九

委員

平原縣縣黨部常務委員

日照李從年

平原縣政府第三科科长

莒縣董沛鴻

平原縣政府第四科科长

濟陽徐立崙

平原縣政府第五科科长

臨朐周文豐

邑

紳

趙祥俊

邑

紳

王玉麟

邑

紳

李潤深

邑

紳

李景銘

邑

紳

張保華

邑

紳

王翰臣

督修

署理平原縣縣長

天津曹夢九

監修

平原縣政府第三科科长

莒縣董沛鴻

協修

平原縣志

序

三

平原大同印刷局印

平原縣政府秘書

日照周季俊

平原縣政府第五科科长

臨朐周文豐

總纂

清庚子辛丑併科舉人

邑人趙祥俊

歷

城張元鈞

分纂

清丙午科優貢

章邱王化東

清乙酉科拔貢

邑人李潤深

清增貢山東高等學校畢業

邑人李景銘

舊志校對員

邑

人宋奎元

邑

人霍興海

新志校對員

邑

人李新齋

採訪員

邑

人趙清貞 楊蓬瀛

王金庚 劉紫雲

王丙午 耿希聖

趙運芳 宋有芳

尹鴻儒 李桂林

平原縣志

序

四

平原大同印刷局印

何立志 王樹勳

霍興海 宋奎元

李來錫 姚秉恕

繪圖員

平原縣政府第四科工程師 河北安平可常清

事務員兼書記

邑

人王士塋 王丹彬

書記

邑

人李東宸 杜清澤

後序

閒常誦維陳編瀏覽傳記至程子以修志爲居官第一要義輒疑通都巨市繁劇爲天下最姑置無論卽最爾小邑百里褊壤其間川澤道路城垣公署倉儲府藏之管稽人文兵防之整飭與夫安輯良懦懲除莠民返薄俗於樸誠進民生於福利訴爭傷財何以使其無訟外貨蠹國何以塞此漏卮舉一縣洪纖難易之任務萃集於邑宰之一身雖材能幹濟氣略明敏籌計施政猶恐蚊微山巨負荷爲難志書者紀往事徵遺文時和歲豐俗厚政簡不過資潤色於昇平奚足當居官之要務歟近歲遊宦山左首署博興雖邑小地僻而略無經驗人情習尙未能週知恐蹈治絲而棼之咎

平原縣志

序

平原大同印刷局印

爰讀其志乘借鑑往古而燭來今如獲明師而對益友始信古賢真不我欺乙亥秋調任茲邑平原當漢魏爲河朔名郡及明清實京畿左軸津浦路成交通便捷隱然扼兩都之中樞橫東省之北戶文章政事代有聞人訟獄盜匪號稱難治猥以材庸茲重任慚製錦之未能益覆餗而自慊下車伊始詢及志書知前任曹公奉令編纂適方歲事現值殺青取讀一過裨益宏多舉本縣所應有若全網之在綱因力行督促兼予援助使畢一簣之全功完百年之大計而程子所謂居官要義於是乎在抑銳尤有進者人民爲國家之主體疆土係祖宗所遺留世際康泰長官奉法守令已足稱循吏於當時傳政蹟於奕世今則國步方艱來日大難東瀛

風雲時肆兼弱攻昧之策北華縣邑日處驚濤駭浪之中昔湘鄉曾滌笙帥一縣之人征伐徧於十八行省削平大亂爭雄海疆而劉錦棠更以老湘軍威懾強俄奪回伊犁炳耀史策千秋有榮譽焉平原民性強毅人多忠勇果得二三賢俊訓導有素勸激有法建殊勛於將來掩湘鄉而更上豈第縣志之榮抑亦國史之光銳雖驚鈍竊願與邑人士共勉之

中華民國二十五年歲在丙子元月上浣署理平原縣縣長蕪湖鈍中氏韓銳謹識

平原縣志

序

平原大同印刷局印

續修平原縣志凡例

計二
十則

一平原縣志始自前明萬歷邑人高知止自清乾隆十三年邑侯黃懷祖就原志重加增訂即今現存志也自黃志出而舊志世已不見茲番開局續修續黃志也體例大抵一依黃志

一黃志

以下或稱舊志或稱前志均指此編而言

分爲十志五十八目其體例蓋仿鄭氏通志

綱舉目張具有條理經營慘淡之心具見原凡例中此番定名爲續修自不必更動原編

一舊志成書在百數十年前所分門類準之現代時政自不能繩削悉合因時制宜應隨事增添門類以期紀載翔實茲以前志爲原編以新修者爲續編分之爲二編合之仍爲一書順時代平原縣志

序

五

平原大開印局日

爲後先庶少凌節雜亂之失

一舊志於疆域沿革前代人物抉擇之際蓋兢兢焉今茲續編似可略古而詳今惟自乾隆十三年後迄今幾二百年其間聲名文物當紀載者亦復不少乃縣卷旣已不全採訪者又各據所見言之局中參考之書亦尠闕略知所難免

一災祥爲民生痛苦所關舊志列入雜志續編提出另爲一門附在恩卹之後

一舊志學校首重學宮尊孔教也今茲續修舉凡關於學宮典禮有爲前志所未備者特詳爲登載以誌嚮往

一清季變法圖強以舉辦學堂爲急務嗣是學校林立義主普及

學子畢業升學人才輩出與科舉用意殊矣特增教育志以資統係

一農工商爲富強之基縣境編小工業商業未形發展而農爲本業野無曠土自政府設勸業所

現爲第四科

以資提倡因勢利導逐漸

淳興特志實業以紀始末

一縣境兵防在清代祇有平原汛承平日久實力無存縣隊乘時取代入民國後巡警廣布民團大隊部繼成縣之兵防具矣至鄉區聯莊會亦農隙講武之遺意也特附志之

一兵事最爲鄉人所震懼自清代末葉累歲迭見特分別詳載以誌一時痛苦

平原縣志

序

六

平原大同印刷局印

一縣當南北之衝舊有中東兩驛路郵傳往來官府修治坦平視爲要政其後火車路通驛路漸廢近更有汽車路縣道鎮道交通益便利矣特詳誌之以紀路政之變遷

一舊志選舉自薦辟以至封贈分類綦詳世代悠遠甲乙科尙易稽考至五貢例叙現時學署檔冊無存諮訪難周遺佚必多邦人君子幸爲補其闕漏

一議會黨部皆獨立機關無門類可以依附特分別登載以昭鄭重

一人物列傳生存者不錄爲志書通例茲謹師其意藝文內甄錄鄉先輩著述書目亦然

一孝庸德也末俗震於畸行競以割股爲孝志書亦間載一二以風薄俗要之身體髮膚受之父母不敢毀傷古有明訓且亦爲旌典所不及此編概不登載

一十室之邑必有忠信邑人風俗淳龐好行其德者尤衆然而焚券捐金末俗所驚褻鉅德色君子猶恥茲於一鄉之善士擇錄一二以資獎勵其他仗義輸財之偉事蹟略同或迹近瑣細勢難一一臚列

一列女節孝爲人生最可矜憫之事此次採訪所及凡已合旌典無論生存與否及已旌未旌悉爲登錄以昭顯微闡幽之義

一舊志藝文在雜志後續編擬提繼志前似於情事較合

平原縣志

序

七

平原大同印刷局印

一古人著述其所採錄各書皆注明原書以示有來歷也茲仿其例除引用書籍標明外其錄自採訪冊者亦注原採訪人姓氏以昭慎審

一輿地非圖不明古者左圖右史義取互相發明圖繪一事大抵古略而今詳特煩第四科工程師可君常清詳繪用石印法冠諸卷首

續修平原縣志目錄

卷首 序

併修志
姓氏

凡例

目錄

圖考

卷之一

疆域志

凡九條

晷度

沿革

形勝

川澤

鄉區

戶口附

巡幸

恩卹

災祥

風俗

卷之二

建置志

凡九條

城池

公署

倉所

養濟院普濟堂育嬰堂
賑務分會貸濟處附

市集

橋梁

古蹟

坊表

冢墓

寺觀

卷之三

食貨志

凡四條

田賦

附捐

稅課

鹽法

物產

平原縣志 目錄

一

平原大同印刷局印

卷之四

學校志

凡五條

學宮

禮器

樂器

學田

書院

義學附

祠祀志

凡二條

壇壝

祠廟

卷之五

職官志

凡二條

官師

政蹟

卷之六

選舉志

凡八條

薦辟

進士

舉人

貢生

例叙

壽官掾職附

武科

武職附

世職

封廕

卷之七

法制志

凡四條

法院 議會 黨部 法團

卷之八 教育志 凡三條

各級學校 畢業生 軍官

卷之九 實業志 凡五條

農會 苗圃 林業 商會 工廠

交通志 凡六條

鐵路 汽車路 縣道路 鎮道路附 電報 郵政 電話

兵防志 凡五條

汛防 縣隊 警察 警備隊 保衛團 聯莊會附

兵事志

平原縣志 目錄 二

卷之十上 人物志 凡六條

鄉賢 孝義 忠烈 循良 文學 方伎

卷之十下 人物志 凡一條

列女

卷之十一上 藝文志 凡二條

書目 碑記 序書呈啓附

卷之十一下 藝文志 凡一條

詩歌 詞附

卷之十二 雜志

續修平原縣志圖考

古之士君子圖史並列而圖之效用尤便於史蓋以尋行檢查之勞不若按部索取之易也舊志首繪星野續編例所弗取縣境城內縣治或失之簡略或變更已多茲更爲縣境分區縣城四關

附車

站縣政府各平面詳圖而河流道路電話均經測繪學宮借作校舍歷有營建殿祠雖存規模堂陛已伍序庠故未複圖至於新擬八景特請第五科田科員漢九翟委員子涵相度形勢指示攝影採取真象略加說明俾一覽而瞭然要之舊日圖繪未免約略影射之失茲編共爲圖十有四計攝影者八測繪者六均用科學方法器具測量納千里於尺幅無毫髮之或爽庶閱者諸君索驥較易已

平原縣志

圖考

平原大同印刷局印